

Prestati sa konfrontacijama i vratiti se konstruktivnom programu



Međunarodna zajednica može pomoći Bosni i Hercegovini da se vrati na put oporavka – ako bosanskohercegovački lideri prestanu sa konfrontacijama i vrata se konstruktivnom programu, rekao je danas visoki predstavnik i specijalni predstavnik EU Valentin Inzko tokom sastanka sa njemačkim ministrom odbrane Thomasom de Maiziereom.

“EU i međunarodna zajednica u cjelini su još jednom ponovili svoje opredjeljenje da pruže podršku razvoju Bosne i Hercegovine kao sigurne i suverene demokratije,” rekao je visoki predstavnik i specijalni predstavnik EU. “I mi ćemo ovom zadatku pristupiti dinamično, a ne pasivno.”

Visoki predstavnik i specijalni predstavnik EU pohvalio je Njemačku za inicijativu da posreduje u traženju konsenzusa o ustavnoj reformi u Bosni i Hercegovini, te naglasio da “kao ključni član Upravnog odbora Vijeća za provedbu mira i zemlja koja ima bliske i dugogodišnje veze sa Bosnom i Hercegovinom, Njemačka može imati posebno važnu ulogu u naporima međunarodne zajednice da pomogne ovoj zemlji da izađe iz trenutnih poteškoća.”